

ԳԵՎՈՐԳ ՍՐԱՊԻՈՆԻ ՍՏԵՓԱՆՅԱՆ
Պատմական գիտությունների թեկնածու

ԵՓՐԵՄ ԿԱԹՈՂԻԿՈՍԸ ԲՌՆԱԿՈԹՈՒՄ

Բազմադարյան պատմություն ունեցող Սյունիքի Բոնակոթ գյուղի տարեգրությունում հիշարժան է 1821 թվականը, քանզի նույն տարվա նոյեմբերին Նախիջևանի խանությունով Արցախ՝ Օուշի ուղևորվելու ճանապարհին գյուղ է այցելել Եփրեմ Զորագեղցի Ամենայն Հայոց Կաթողիկոսը /կթղ./ 1809-1831 թթ./:

Եփրեմ Կաթողիկոսի այցը, որն ավելի շատ պայմանավորված էր քաղաքական դրդապատճառներով, հետաքրքրական մի դիպվածով է հիշատակվում Սյունիքի և, մասնավորապես, Բոնակոթ գյուղի պատմությունում:

Ռուս-պարսկական առաջին /1804-1813 թթ./ պատերազմից հետո, երբ Հայաստանի հյուսիսային գավառները, ինչպես նաև Սյունիքն ու Ղարաբաղը Գյուլիստանի պայմանագրով պարսկական տիրապետությունից անցան ռուսական տիրապետության տակ, Հայաստանը փաստորեն հայտնվեց երեք տերությունների՝ Թուրքիայի, Պարսկաստանի և Ռուսաստանի կազմում: Պարսկական կառավարությունը Անդրկովկասի նկատմամբ շարունակելով իր նվաճողական քաղաքականությունը՝ հարմար առիթ էր սպասում՝ չեղյալ հայտարարելու Գյուլիստանի հաշտության պայմանագիրը և վերսկսելու պատերազմը Ռուսաստանի դեմ: Վերջինս ևս իր հեղթին նպատակ ուներ տեր դառնալու ամբողջ Անդրկովկասին:

Ռուս-պարսկական հարաբերությունների սրմանը զուգընթաց, պարսկական կառավարող շրջաններն իրենց ենթակա Երևանի, Նախիջևանի խանություններում և Օրդուբադի գավառում էլ ավելի սաստկացրին հայաճալած քաղաքականությունը: Նախաձեռնի չէր նաև Էջմիածնի վանքի վիճակը: Երևանի վերջին սարդար Հուսեյնյան Ղաջարը /1807-1827 թթ./, վանքի վրա ծանր պարտքեր դնելով, սկսեց քայքայել վանական տնտեսությունը: Հավատացյալ հայերը որքան էլ նվիրատվություններ էին անում վանքին, այդուհանդերձ պարտքերի բեռը թեթևանալու փոխարեն, ավելի ու ավելի էր ծանրանում: Միաժամանակ, Երևանի սարդարի կողմից հոգևորականների նկատմամբ սկսեցին իրականացվել բռնություններ և կամայականություններ: Վիճակը բարդանում էր նաև նրանով, որ վանքում այդ տարիներին ռուսական և պարսկական կողմնորոշում ունեցող քաղաքատիրական հոգևորականների միջև սկսեց ծավալվել քաղաքական ակտիվ պայքար, որի հետևանքով Եկեղեցու մերսում արհեստականորեն ստեղծվեցին պարսկամետների և ռուսամետների հակադիր խմբավորումներ:

Առաջինին հարող հոգևորականներին գլխավորում էր վանքի լուսարարապետ Հովհաննես Կարբեցին, իսկ երկրորդին՝ Ամենայն Հայոց Կաթողիկոս

Եփրեմ Զորագեղցի¹: Ռուսամետ հոգևորականների գործունեությունը, անշուշտ, ավելի առաջադիմական էր և մոտ հայ ժողովրդի ազգային ձգտումներին:

Էջմիածնի կաթողիկոսության միասնականությանը սպառնացող այս շրջանում Եփրեմ Կաթողիկոսը, քաջություն և համարձակություն ցուցաբերելով, իր կորովի գործունեությամբ փորձեց պահպանել ոչ միայն մեր ժողովրդի հոգևոր աշխարհիկ միասնականությունը, այլև Ամենայն Հայոց Կաթողիկոսի իրավասությունը քաղաքական տարբեր պայմաններում հայտնված եկեղեցական թեմերի նկատմամբ:

Սակայն խանական բռնությունների սաստկացման պայմաններում Եփրեմ Կաթողիկոսը, խուսափելով հալածանքներից, անցատական հարմար գտավ իր հետագա մնալը Էջմիածնում և որոշեց մեկնել Արցախ՝ Օուշի:

1821 թ. նոյեմբերի 2-ին ավելի քան երկու տասնյակ հոգևորականներից բաղկացած կաթողիկոսական շքախումբը դուրս եկավ Էջմիածնից²:

Էջմիածնից Եփրեմ Կաթողիկոսի հեռանալուց հետո, վաճառ սկսեց կառավարել պարսկամետ Եփրեմ արքեպիսկոպոս Մարգվանցի³: Եփրեմ Կաթողիկոսի՝ Արցախ ուղևորության մասին իր ուղեգրություններում հիշատակում է գրող, բանահավաք, մանկավարժ և հրապարակախոս Մեսրոպ Թադիադյանը, որը, ազգագրական նյութեր հավաքելու նպատակով Սյունիքում 1821 թ. օգոստոս-սեպտեմբեր ամիսներին շրջագայելուց հետո, անցնում է Նախիջևան, ուր և դիմավորում է Կաթողիկոսին, ապա, Օուշի մեկնելու մտադրությամբ, միանում շքախմբի⁴:

Կաթողիկոսն իր շքախմբով ուղևորության ընթացքում, Էջմիածնից սկսած, հանդիպումներ էր ունենում ճանապարհի վրա գտնվող գյուղերի հայության հետ և նրանց տալիս հայրապետական իր օրհնությունը: Նոյեմբերի 8-ին շքախումբն արդեն Նախիջևանում էր, ուր նրանց հայ քնակչությունն ու Նախիջևանի խանը արժանացրին պատվավոր ընդունելության: «Ընդ յառաջ ելին մեա, ոչ միայն ժողովորդը Հայոց, այլ և խանն Նախիջևանայ ամենայն կազմութեամբ այրուձիոյ և ազատագունդ հեծելոյ»⁵: Թեև Կաթողիկոսն Արցախ ուղևորվելու համար Երևանի սարդարի կողմից ստացել էր թույլտվություն, սակայն Նախիջևանի ժահուկ գավառում Էջմիածնից լուր է ստանում այն մասին, որ Երևանի խանը արգելել է նրան անցնելու ոռոսական սահմանը և պահանջել է վերադառնալ Էջմիածին: Լսելով այդ լուրը՝ ձերուճազարդ Կաթողիկոսը վճռում է՝ որքան կարելի է շուտ անցնել ժահուկից Սիսիանի գավառ տանող լեռնանցքը, որով շքախումբը կազատվեր խանի կողմից

¹ Հակոբյան Պ., Խաչատուր Աբովյան, կյանքը, գործերը և ժամանակը /1809-1836/, Երևան, 1967, էջ 215:

² Շահխաթունեանց Յովհ., Ստորագրություն կաթողիկե Էջմիածնի և հինգ գաւառացի Արարատայ, Բ. 1, Էջմիածին, 1842, էջ 235, նաև՝ Մսերեանց Մ., Պատմություն կաթողիկոսաց Էջմիածնի ի Սիւնեոն միջև զԹովհաննէս Ը, Մոսկվա, 1876, էջ 84:

³ Հակոբյան Պ., նշվ. աշխ., էջ 295:

⁴ Թադիադեանց Մ., Ճանապարհորդություն ի Հայս, Բ. 1, Կալկաթա, 1847, էջ 274-275:

⁵ Թադիադեանց Մ., նշվ. աշխ., էջ 275:

ուղարկված հեծելազորի հետապնդումներից: Լեռնանցքն անցնելիս, անսպասելի տեղացած առատ ձյան պատճառով, շքախումբը չկարողացավ շարունակել դժվարանցանքի դարձած ճամապարհը. և քանի որ մոտակա Բոնակոթ գյուղը դեռ հեռվում էր, ուստի որոշեցին գիշերել մոտակա քարայրում: Միաժամանակ, օգնության ակնկալիքով շքախմբի անդամներից մեկը Կաթողիկոսի հրահանգով ուղարկվեց Բոնակոթ՝ կարպետներ բերելու և դրանք շքախմբի ընթացքին ձյան վրա փռելու, ինչը կհեշտացներ ճամապարհը. «Այլ ևս յառաջել ո՛չ կարելով, ազատ զայն գիշեր ի քարայրի ուրեք՝ յաջակողմեան չգր գետոյն, ուր յետ գիշերային պաշտամանցն, պատուէր ետ իւրոցն զայր մի հետիոտս առաքել ի Բոնակոթ, զի հանցեն ի վաղուի կապերսս և սփռեսցեն զերեսօք զձեռանն, ընդ որ հմար իցէ անցանել կարաւանին սրբութեան»⁶:

Դեռ չէր լուսացել, երբ Բոնակոթի տղամարդիկ, լսելով Կաթողիկոսի գալուստը, քստ երևույթին Մելիք-Թանգի երկրորդի ղեկավարությամբ հավաքեցին գյուղում եղած կարպետները և շտապեցին օգնության: Տեղ հասնելով՝ նրանք կարպետները երկու շարքով փռեցին սառած ձյան վրա՝ մեկը հեծելազորի, մյուսը՝ բեռնակիր ամասունների համար, և սաստիկ ցրտի պայմաններում մեծ ոգևորությամբ կարպետները արագորեն հետևից առաջ տեղափոխելով, անցանքի դարձրին ճամապարհը: Մ. Թադիադյանցի վկայությամբ, «Նախքան զլոյս առաւօտուն» ծագեցան առ մեզ գթութիւնք Բոնակոթայ. զեղաւ անդանօր ամենայն արու, այլ թե ո՞րպիսի կամակար ջերմեռանդութեամբ այր զարամբ ել համբուրել զաջ Հայրապետի իւրոյ, և շնորհաց օրհնութեանն լինել արժանի՝ անմարթ է ինձ ստորագրել զուցումեալ մատամբ...»⁷: Բոնակոթցիները շքախմբին ուղեկցեցին մինչև գյուղի սահմանները: Հասնելով Սիսիան՝ Կաթողիկոսը եղավ Տաթևում, որտեղից և անցավ Արցախ:

Բոնակոթի պատմության փունջ կազմող հիշարժան այս դրվագը բուրում է խնկահոտով, իսկ նմանօրինակ արարքը խոսում է պունցեցիների՝ հնուց ի վեր քրիստոնեական հավատքի և հոգևոր այրերի հանդեպ ունեցած ջերմեռանդ սիրո ու անհուն նվիրումի մասին:

Մեզ հայտնի տվյալներով, Սյունյաց աշխարհ Հայոց 131 Կաթողիկոսներից տարբեր առիթներով այցելել են նաև Մուշե Ալլաբերեցին /6-րդ դ./, Մկրտիչ Ա Վանեցին /1903 թ./ և 1989 թ. ապրիլին Վազգեն Ա Պալճյանը՝ ընկերակցությամբ Գարեգին Բ Մեծի Տանն Կիլիկիո Կաթողիկոսի (ԱյծԲ՝ Ն.Ս.Օ.Տ.Տ. Գարեգին Ա Ամենայն Հայոց Կաթողիկոս):

Սյունեցիները Հայոց Հայրապետներին արժանացրել են հոգևոր այրերին արժանավայել ու պատվաբեր ընդունելության՝ ի նշանավորումն այդ այցելությունների, և նրանց պատվին կանգնեցրել հուշաայուներ, իսկ առանձին պատումներում՝ գրի առել հիշարժան դրվագներ⁸:

⁶ Թադիադեանց Մ., նշվ., աշխ., էջ 275:

⁷ Թադիադեանց Մ., նշվ., աշխ., էջ 275:

⁸ Այս առումով ուշագրավ է 1989 թ. ապրիլի 26-27-ին Սյունիք՝ Սիսիան Ամենայն Հայոց Կաթողիկոս Վազգեն Ա Պալճյանի և Գարեգին Բ Մեծի Տանն Կիլիկիո Կաթողիկոսի այցելության առիթով պատմաբան Հ. Առաքելյանի հրատարակած «Ուխտագնացություն դեպի Սիսիան» (Սիսիան, 1991) գրքուկը: